



Ministerie van Onderwijs, Cultuur en  
Wetenschap

# Studia na Hulanda Europeo

Informacion pa alumnonan di examen final y  
studentenan cu ta biba na Aruba, Corsou y Sint Maarten

Pa wak e informacion  
y animacion online  
scan e QR-code





# Escogencia di estudio

E foyeto aki ta contene informacion tocante escogencia di estudio, tocante bo escogencia di estudio, tocante inscripcion y tocante asuntonan financiero. Hopi exito ora di haci bo escogencia!

## Orienta bo mes bon

Bo ta bay studia na un roc, scol pa enseñansa profesional superior of universidad? E ora ey bo tin hopi escogencia. E ta bira un estudio di enseñansa profesional secundario, un 'hbo-associate degree' of bachelor hbo of wo? Of bo ta scoge un estudio dobel, caminda bo ta combina trabou cu estudio? Orienta bo mes bon y discuti bo escogencia cu bo dosentenan, decano, mentor, bo guia di carera di estudio, amigonan, mayor- of mayor(nan) di criansa. Bishita dianan habri, bay haci un estudio di prueba (si bo tin e posibilidad ey) y particularmente haci hopi pregunta, por ehempel na studiantenan cu ya tin experiencia cu studiamento na Hulanda Europeo. Tira bista tambe riba e websitenan di roc-, scol- pa enseñansa profesional superior y universidadnan. Tin biaha sa ofrece tambe actividadnan online.

Riba **studiekeuze123.nl** bo por compara estudionan cu otro y bo ta haya tip, experiencia y 'tools' util. Tin informacion tocante contenido di estudionan, dianan habri (online), satisfaccion di studiantenan y kico bo por haci cu un estudio riba mercado laboral. Tambe tin tip pa mayor- of mayornan di criansa, di manera cu nan por yuda bo. Si bo ta considerando un estudio mbo, wak e ora ey riba **www.kiesmbo.nl**. Tin un pagina apart tambe pa futuro studiantenan di e parti Caribense di Reino: **www.studiekeuze123.nl/caribisch**.

## Check e exigencianan di admision

Pa algun estudio bo mester tin cierto perfil of cierto materia. Nan ta riba e website di e universidad of scol pa enseñansa profesional superior. Bo tin un diploma di mbo? E ora ey hopi biaha tin otro exigencianan cu pa esnan cu ta bin di enseñansa avansa. Check nan riba e website di e scol pa enseñansa profesional superior of universidad. Bo kier bira maestro di enseñansa basico? Wak e ora ey riba **goedvoorbereidnaardepabo.nl** pa e exigencianan di admision y con bo por prepara bo mes pa esey.

## Check si tin exigencianan di seleccion

Estudionan manera Medicina hopi biaha tin solamente un cantidad di luga limita (*numerus fixus*). Den caso cu tin demasiado registracion, ta tene un sorteo of un otro forma di seleccion. Otro estudionan ta selecta a base di exigencianan profesional of pasobra bo mester tin sierto habilidadnan pa esey, manera estudionan di arte. Pa e exigencianan di seleccion, wak riba e website di e estudio. Riba **studiekeuze123.nl/opleidingen** tin un resumen completo.



Bo kier sa kico bo tin derecho riba dje y kico  
bo mester regla si bo ta bay studia?



Scan e QR-code of wak riba [rijksoverheid.nl/studeren](https://rijksoverheid.nl/studeren)  
pa un resumen personal.

Scolnan Hulandes pa enseñansa profesional superior y universidadnan mester tene cuenta cu situacion di e futuro studiantenan di e parti Caribense di Reino ora nan ta selecta, por ehempel ofreciendo posibilidad pa participa na distancia na e proceduranan di seleccion. Tuma contacto tocante esaki cu e instituto di enseñansa concerni.



## Registra

### Registra bo mes na tempo

Registra bo mes mas rapido posibel via **Studielink.nl**. Por haci esey ya for di 1 di october 2024 caba. Pa estudionan cu seleccion (*numerus fixus*) bo mester registra bo mes pa mas tarda **15 di januari 2025 (prome cu 7'or di anochi ora Caribense)**.

Riba e website di e scol pa estudio profesional superior of universidad tin e ultimo fechanan di inscripcion pa demas estudionan cu seleccion (manera estudionan di arte). Paga bon tino: e ultimo fecha di inscripcion ya por ta prome cu **15 di januari 2025** caba. Pa demas estudio ta miho bo inscribi bo mes prome cu **1 di mei 2025 prome cu 6'or di atardi ora Caribense**.

Wak pa mas informacion riba [studiekeuze123.nl/aanmelden-voor-1-mei](https://studiekeuze123.nl/aanmelden-voor-1-mei).

### Haci un chequeo di escogencia di estudio

Bo a inscribi bo mes na tempo via Studielink? E ora ey bo tin derecho riba un chequeo di escogencia di estudio, pa wak si e estudio ta pas cerca bo. E chequeo di escogencia di estudio tin biaha ta obligatorio.

E chequeo di escogencia di estudio mayoria biaha ta un combersacion, un colegio di prueba of un test of un cuestionario. Despues bo ta haya feedback y un consejo. Bo no ta mara na e consejo si bo a registra bo mes pa mas tarda riba 1 di mei. Pues den caso di un consejo negativo tambe bo tin mag di start cu e estudio. Ta prudente e ora ey si pa pensa bon si e estudio ta pas realmente cu bo. Si bo a registra bo mes prome cu 1 di mei, t'asina cu bo por cambia ainda di estudio.

Bo a registra bo mes pa prome biaha pa un estudio despues di 1 di mei? E ora ey si e consejo di e instituto educacional por ta obligatorio.

Si bo ta biba den e parti Caribense di Reino, e ora ey e instituto di enseñansa ta obliga di duna bo e oportunidad, si bo ta desea esey, pa tene e combersacion aki na distansia di forma digital. Tuma contacto tocante esaki cu e instituto.

Lesatur cos tocante e chequeo di escogencia di estudio riba **[studiekeuze123.nl/studiekeuzecheck](https://studiekeuze123.nl/studiekeuzecheck)**.

### Areglo pa prome aña

Bo ta bin di mbo y bo kier purba un estudio na un scol pa enseñansa profesional superior? E ora ey tin un areglo pa prome aña mas amplio na vigor. Si bo stop den e prome aña, bo no tin mester di paga bek bo beca basico, beca complementario y producto di biahe pa estudiante. Wak pa e condicionnan riba **[duo.nl/eerstejaarsregeling](https://duo.nl/eerstejaarsregeling)**.

### Sosten adicional?

Studentenan Caribense por haya nan mes cu problema na comienso di nan estudio na Hulanda Europeo. Tin biaha esakinan ta obstaculonan practico manera haci un peticion pa seguro di cuidu, tin biaha ta pa motibo di e idioma y cultura. Tambe por ta ferfelo pa haya luga di biba. Paisnan Aruba, Corsou, Sint Maarten y Hulanda ta coopera cu otro pa laga e transicion bay mas suave.

P'esey por ehempel gobierno y/of organisacionnan particular den tur e cuater paisnan ta ofrese ayudo of guia pa e transicion pa Hulanda. Tin biaha mester paga pa esaki, tin biaha e ta gratis.

Pa prepara bo mes bon riba e cambio, ta importante pa pidi conseho cerca e decano di bo scol y pa papia cu amigo- y otronan cu anteriormente a sigui un estudio na Hulanda Europeo. Nan por comparti nan experiencia cu bo y duna bo tip.

Scolnan pa enseñansa profesional superior y universidadnan ta brinda sosten den caso di problema visual of otro limitacion funcional, dyslexia y problemanan psikico. Tambe bo por ricibi sosten si bo tin tareanan di cuidu of ta practica deporte na nivel halto. E institutonan gustosamente ta yuda bo busca un solucion adecuado. Tuma contacto si tocante bo situacion, hopi mas prome cu bo inicia cu bo estudio.

Riba **[hogeronderwijstoegankelijk.nl](https://hogeronderwijstoegankelijk.nl)** tin mas informacion.

### Inscripcion definitivo

Bo ta inscribi difinitivamente solamente si lo siguiente ta na ordo:

1. Bo a logra bo diploma, of a finalisa e test 21+ cu exito.
2. Bo a duna e scol pa enseñansa profesional superior of universidad apoderacion pa kita e placa di colegio.
3. Bo a cumpli cu eventual otro condicionnan.

Bo ta ricibi notificacion tocante esaki via Studielink.

Percura pa regla tur cos **promé cu 1 di september**.



# Asuntonan financiero

## Regla financiamiento di estudio

Pidi financiamiento di estudio riba **duo.nl/cariben**. Den hbo y wo tambe bo tin derecho riba financiamiento di estudio si ainda bo no tin 18 año. Pidi bo financiamiento di estudio minimal 8 siman prome cu bo tin intencion di cuminsa cu esaki. E ora ey bo sa sigur cu bo ta dispone na tempo di bo placa y bo producto di biahe pa estudiante.

Financiamiento di estudio ta consisti di diferente componente, cu bo por pidi apart:

- Beca basico
- Beca adicional
- Producto di biahe pa estudiante
- Fiansa cu interes
- Fiansa pa placa di colegio

Pa scolnan di enseñansa profesional superior y universidadnan e beca basico, e beca adicional y e producto di biahe pa estudiante ta becanan di prestacion. Esaki ta nifica cu si bo logra bo diploma denter di 10 año, ta converti nan den un donacion. Si esey no logra, bo tin cu paga tur cos bek e ora ey, cu interes. Semper bo mester paga un fianza cu interes y un fianza pa placa di colegio bek, cu interes. Tur e condicionnan ta riba duo.nl.

## E beca basico

Con halto e beca basico ta, ta depende di bo situacion di biba. Bo ta bay biba oro cerca (un di) bo mayornan? E ora ey bo ta bibando na cas. Bo no ta bibando cerca bo mayor(nan)? E ora ey bo ta bibando pafo di cas. E beca basico ta mas halto ora bo ta bibando pafo di cas.

Riba e website di DUO bo ta haya tambe un foyeto tocante financiamiento di estudio, traha specialmente pa studiantenan di e parti Caribense di Reino. E foyeto aki ta disponibel tambe na Papiamento y Ingles.

## Un beca adicional

Riba e beca basico, kisas bo por haya un beca adicional. Nos ta conseha bo pa semper pidi un beca adicional. Mester pidie un biaha so. DUO ta calcula despues cada año si bo ta bin na remarca pa esey. E beca adicional ta depende di entrada di bo mayornan. Tambe ta tene cuenta cu e cantidad di yiu cu bo mayornan ta percura pe y si bo mayornan ta pagando bek un debe di estudio.

## E producto di biahe pa estudiante

Cu e producto di biahe pa estudiante bo ta biaha liber den Hulanda Europeo cu transporte publico. Bo por scoge pa un abono den siman of den weekend.



**Tip:** [riba duo.nl/meerdanlenen](https://riba.duo.nl/meerdanlenen) tin un resumen util di kico un estudio ta costa, con otro studiantenan ta yega na placa y cuanto financiamiento di estudio bo por haya. Tambe bo por calcula [riba watkoststuder.nl](https://riba.watkoststuder.nl) y [riba duo.nl/rekenhulp](https://riba.duo.nl/rekenhulp) cuanto bo estudio ta costa y con bo ta paga esey.

### **Fiamento y un fiansa di placa di colegio**

Bo no ta logra completamente finansiarmente? E ora ey bo por haci un fiansa adicional cerca DUO. Cada luna bo por ahusta e suma cu bo ta fia. Riba e fiansa ta cobra un interes entrante e luna despues cu bo ricibi e fiansa. Ta stipula e porcentahe di interes anualmente durante bo estudio y e por diferencia pa aña.

Si bo fia, bo ta acumula un debe di estudio. E debe ey bo tin cu paga bek cu interes despues di bo estudio den terminonan mensual, parti riba 35 aña. Ora di paga bo debe di estudio bek, ta tene cuenta cu bo entrada. Si bo no tin of tin mucho tiki entrada, e ora ey bo ta paga menos of no ta paga nada mes bek. Bo por pidi un fiansa tambe cerca DUO pa paga bo placa di colegio, e fiansa pa placa di colegio. Esey tambe bo tin cu paga bek, cu interes, despues di bo estudio.

DUO ta organisa diferente webinar special pa estudiante- y esnan cu tin cu paga bek di e area Caribense. Bo ta haya esakinan riba **[duo.nl/cariben](https://duo.nl/cariben)** bou di e titulo 'Webinars en rekenhulpen'

### **Areglonan financiero di gobiernonan di Aruba, Corsou, Sint Maarten**

Banda di financiamiento di estudio Hulandes (via DUO), gobierno di Aruba, Corsou of Sint Maarten mes por ofrece areglonan di apoyo financiero tambe. T'asina cu si bo ta bay studia na Hulanda bo ta haya bo cu gastonan adicional, manera pasashi cu avion, bo mester cumpra un bais y cumpra paña di winter. Abo mes por check cerca gobierno di e isla caminda bo ta biba si bo ta bin na remarca pa esey.







# Mudansa pa Hulanda Europeo

## Number di servicio civil (Burgerservicenummer)

Bo a haci un peticion pa financiamiento di estudio pa un estudio na Hulanda? Y bo tin nacionalidad Hulandes y bo no tin un Number di servicio civil (BSN) ainda? E ora ey bo ta ricibi un BSN ora bo pidi financiamiento di estudio. Cu bo BSN bo por cuminsa regla algun asunto na Hulanda, hasta si bo no ta na Hulanda ainda.

## DigiD: bo yabi cerca gobierno

Cu bo BSN, bo por pidi un DigiD. DigiD ta e manera cu gobierno ta usa pa 'log in' online. Bo tin mester di bo DigiD pa entre otro bo producto di biaha pa estudiante y pa 'log in' riba Mijn DUO. Mas informacion tocante con pa pidi y activa bo DigiD for di e area Caribense bo ta haya riba [www.digid.nl/buitenland](http://www.digid.nl/buitenland).

## Kita nomber for di registro civil

Prome cu bo biaha pa Hulanda Europeo, bo mester laga kita bo nomber na registro civil di e isla caminda bo ta biba. Bo ta haci esaki denter di 10 dia prome cu bo biaha, na e seccion di Registro Civil of Census Office. Inscribi bo mes denter di 5 dia despues cu bo yega Hulanda Europeo na e municipio caminda bo ta bay biba. Wak pa mas informacion riba [rvig.nl/Informatieblad-studenten-Caribisch-Nederland](http://rvig.nl/Informatieblad-studenten-Caribisch-Nederland).





# Planificashon

Na e momentonan aki

Busca informacion y participa na e **actividatnan di escogencia di estudio (online)** di scolnan di enseñansa profesional superior of universidad, manera dianan habri, 'meeloopdagen', cursonan di zomer.

Bo tin mester di un **DigiD**. Peticionnan ta dura en todo caso un siman. Hacie mesora pues asina cu bo tin un BSN, pa bo no haya bo den perta despues.

Entrante  
1 di october 2024

**Registra bo mes via Studielink.**

Pa mas tarda  
15 di januari 2025

Check cu e instituto pa **registracion cu numerus fixus**.

15 di januari -  
1 di mei 2025

Ultimo **fechanan pa registracion pa demas estudionan cu seleccion**. Wak pa siguridad riba e website di e scol di enseñansa profesional superior of universidad pa e ultimo fecha di registracion.

15 di april 2025

Si bo a registra bo mes pa un estudio cu un cantidad di luga limita (*numerus fixus*), bo ta ricibi un **number di secuencia**. Si bo haya luga, bo mester acepta esaki denter di 2 siman.

Pa mas tarda  
1 di mei 2025

**Registra bo mes pa tur sobra estudio.**

Entre registracion  
i 31 di augustus 2025

E scol di enseñansa profesional superior of universidad ta ofrece bo un chequeo di escogencia di estudio, pa wak si e estudio ta pas bon cerca bo. Despues bo por cambia di estudio ainda. Bo a haci un escogencia definitivo? Inscribi bo mes e ora ey pa e estudio. Bo mester tin lo siguiente na ordo:

- Bo a logra bo diploma.
- Bo a manda bo datonan di pago den Studielink (bo ta ricibi un mensahe al respecto).
- Bo ta cumpli cu eventual otro obligacionnan cu e scol di enseñansa profesional superior of universidad a informa bo di dje.

Juni 2025

**Pidi financiamento di estudio y/of producto di biahe pa estudiante.**

Bo ta ricibi e ora ey tambe un number di servicio civil (BSN).

Despues di ricibi BSN

Bo tin mester di un **DigiD** pa asuntonan cu tin cu regla na Hulanda. Cuminsa pidi bo DigiD di antemano for di Hulanda Caribense.

Fin di augustus 2025

**Introduccion** na e scol di enseñansa profesional superior of universidad

1 di september 2025

**Inicio di bo estudio nobo!**

**Y fecha cu bo producto di biahe pa estudiante ta inicia.**

Fin di september 2025

**Bo ta ricibi bo financiamento di estudio.**